

des Princes &c. Janvier 1757. S

blir la tranquillité de mon Royaume. Sur ce,
Monfieur l'Evêque de N. . . je prie Dieu
qu'il vous ait en fa sainte & digne garde. Ecrit
à Fontainebleau le 14. Novembre 1756.
LOUIS, & plus bas, PHELIPEAUX.

BENEDICTUS PAPA XIV. *Venerabilibus Fratribus nostris S. R. E. Cardinalibus ac Archiepiscopis & Episcopis Regni Galliarum in novissimis Comitibus Cleri Gallicani congregatis, Salutem & Apostolicam Benedictionem.*

Ex omnibus Christiani orbis Regionibus ad quas imposita imbecillati nostræ Pastoralis cura protenditur, cum multa sæpè ad nos referantur, quæ animum nostrum pro omnium singulorumque Ecclesiarum status sollicitum & anxium habeant, vix tandem aliundè nobis majores perturbationis ac doloris causæ acciderunt quàm ex gravissimis controversiarum ac dissensionum incommodis, quibus florentissimum istud Regnum & Catholicam Gallorum Nationem aliquot ab hinc annis jactari cognovimus; nec tamen destitimus hoc toto perturbationum vestrarum tempore Deum optimum maximum enixè rogare, ac interpositis etiam aliorum precibus orare atque obsecrare, ut ipse, qui Deus pacis est, veram solidamque tranquillitatem turbatis Ecclesiis vestris reddere dignaretur. Sæpè etiam datis ad charissimum in Christo Filium nostrum LUDOVICUM, Galliarum Regem Christianissimum Apostolicis Litteris, illius opem & brachium ad Ecclesiasticæ pacis tutelam atque præsidium imploravimus, iis autem qui ad nos & ad Sedem Apostolicam in rebus istis recursum habuerunt,